



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10) Skupština Brčko distrikta BiH, na 27. redovnoj sjednici održanoj 22. juna 2022. godine, usvaja

**ZAKON**  
**O IZMJENAMA I DOPUNAMA ZAKONA O PLATAMA I NAKNADAMA ZAPOSLENIH U**  
**POLICIJI BRČKO DISTRIKTA BOSNE I HERCEGOVINE**

**Član 1**

U Zakonu o platama i naknadama zaposlenih u Policiji Brčko distrikta Bosne i Hercegovine (Službeni glasnik Brčko distrikta BiH, brojevi: 08/19, 10/19, 39/20 i 13/21), član 6 mijenja se i glasi:

“Član 6  
(Plata)

- (1) Plata zaposlenog se sastoji od osnovne plate ili naknade plate i uvećanja plate po osnovu dodatka na platu.
- (2) Zaposlenom se utvrđuje osnovna plata na mjesečnom nivou.
- (3) Osnovna plata utvrđuje se množenjem osnovice za obračun plate i pripadajućeg koeficijenta.
- (4) Bruto plata je plata iz stava 1 ovog člana uvećana za obavezne doprinose.
- (5) U svim elementima koji čine platu iz stava 1 ovog člana sadržan je porez na dohodak.”

**Član 2**

- (1) U članu 22 stavu 1 u tački b) iza zarez se dodaje tekst: “uvećane za puni iznos dodatka na osnovnu platu po osnovu radnog staža”.
- (2) U članu 22 stavu 1 u tački c) iza zarez se dodaje tekst: “uvećane za puni iznos dodatka na osnovnu platu po osnovu radnog staža”.

**Član 3**

U članu 23a stav 1 mijenja se i glasi:

„(1) Policijski službenik ima pravo naknade troškova ishrane tokom rada (topli obrok) u iznosu od 5,00 KM (pet konvertibilnih maraka) za vrijeme provedeno na radu, koje ne uključuje privremenu spriječenost za rad, godišnji odmor, plaćeno odsustvo i druga odsustva utvrđena posebnim propisima za vrijeme koje zaposlenik ne provodi na radu.“

#### **Član 4**

U članu 26 stavu 5 riječ "neto" se briše.

#### **Član 5**

(1) U članu 31 stavu 1 u tački e) iza zarez se dodaje tekst: "uvećane za puni iznos dodatka na osnovnu platu po osnovu radnog staža".

(2) U članu 31 stavu 1 u tački f) iza zarez se dodaje tekst: "uvećane za puni iznos dodatka na osnovnu platu po osnovu radnog staža".

#### **Član 6**

U članu 32a stav 1 mijenja se i glasi:

„(1) Zaposlenik ima pravo naknade troškova ishrane tokom rada (topli obrok) u iznosu od 5,00 KM (pet konvertibilnih maraka) za vrijeme provedeno na radu, koje ne uključuje privremenu spriječenost za rad, godišnji odmor, plaćeno odsustvo i druga odsustva utvrđena posebnim propisima za vrijeme koje zaposlenik ne provodi na radu.“

#### **Član 7**

U članu 38 stav 5 se briše.

#### **Član 8**

Ovaj zakon stupa na snagu osmog dana od dana objavljivanja u Službenom glasniku Brčko distrikta BiH, a primjenjuje se od 01. 07. 2022. godine.

Broj: 01-02-2938/22

Brčko, 22. 6. 2022. godine

**PREDSJEDNIK**  
**SKUPŠTINE BRČKO DISTRIKTA BiH**  
**Mr. sci. Siniša Milić**